

# Batu Besundang



**BORNEO LITERATURE BUREAU**

# Batu Besundang

DITULIS  
ANDRIA EJAU

GAMBAR DIGAGA  
RAPHAEL SCOTT AHBENG



BORNEO LITERATURE BUREAU

© BORNEO LITERATURE BUREAU, 1968

(Dipegai Perintah Sarawak enggau Sabah)  
Rock Road, Kuching, Sarawak.

PERPUSTAKAAN DBP/SAR.	
No. Kelas:	
No Perolehan: 11955	
Tarikh:	T.T.

Dichelak

SOUTH CHINA MORNING POST, LIMITED  
HONG KONG

## RURUN JERITA

<i>Genteran</i>		<i>Lambar</i>
Rumah Entekong	...	1
Batang Aum	...	2
Ator Ngintu Pendam	...	14
Pemansang Baru	...	18
Nanya Anak Entekong	...	22
Kelikoh Pasal Nguai	...	24
Melah Pinang	...	25
Jako Karong	...	26
Timang Ai	...	30
Pinang Enda Dibelah	...	32
Rami Sekula	...	33
Ngubah Ator Komiti	...	34
Sekula Nadai Komiti	...	37

## RUMAH ENTEKONG

NYADI JERITA tu bedudok ba Rumah Entekong di Tanjung Batu Besundang, pati Batang Lidang. Sida di rumah nya, baka orang di rumah panjai bukai, bisi udah buya besekula mimit tang tebal agi ke enda nemu macha enggau nulis. Sida ke udah besekula ko jako pan samina nama udah buya sekula, tang nadai tentu lanchar macha.

Nyadi jerita keterubah tu ngenang sida dalam Rumah Entekong ke baum berunding ka jalai menuku agi dikenangintu Gawai Dayak. Sida mega baka orang bukai baru sakalidua udah ngintu Gawai nya, nya alai ator ke patut dikenangintu apin tentu lekat ba sida. Nya alai semak ka katiga kali sida sarumah tu ngintu Gawai tu, dia sida baum deka netap ka ator ke entap nitih ka jalai ke dikenangintu orang maioh.

Lemai siti, udah sida sama kemas makai, dia Tuai Rumah Entekong ngasoh sapit iya ke benama Ungkir nesau sida sarumah, mai begelumu ngagai ruai Tuai Rumah. Kabuah Entekong enggai enda mai sida baum lemai nya, laban Pengulu ke megai menoa sida bisi dia malam nya, nyangka icha iya nemu nunjok ka ator ke manah agi dikenangintu Gawai nya.

Leboh sida udah sampal datai ba ruai Tuai Rumah, dia tuai lalu dejako madah ka kabuah diri ke ngelumu ka sida sarumah lemai nya.

“Kabuah aku mai kitai sabuat begelumu lemai tu, laban bisi kabuah ke berat bendar ba ati, ukai samina berat ba aku siko, tang bakanya mega ba kita bukai.”

Ninga munyi nya, dia Enchangol lalu dejako. “Nama deh aya, bisi deka ngambi kitai sarumah tu nyadi soldadu orang?” ko iya.

“Nadai ga,” ko Entekong.

## BATU BESUNDANG

"Meda moa nuan tak kesal meh?" ko Enchangol nganu Tuai Rumah.

Sida bukai sama bela ngerara iya ke ngelampat jako Tuai Rumah, iya pan ngetu ga.

## BATANG AUM

JAKO NGETU enda lama janggal laban Enchangol ke ngelampat jako Tuai Rumah. Udah nya baru Lemambang Tuloi bejako. "Bejako meh apai endu, anang limpang laban Enchangol nya," ko iya nganu Tuai Rumah. Nya baru Entekong bejako nampong jako nya tadi.

"Nyadi kitai serumah tu, baka orang bukai mega, dua kali udah ngintu Gawai Dayak. Tang jalai enggau ator kitai sabuat ke udah tu, tak asai ke agi ngiga endar sepi aku. Nya alai panjong ka Pengulu pen bisi ga ditu, ari nya aku tak ngenyit mai kita baum lemai tu, nyangka icha iya bisi ngelubang ka kitai penemu kena ngadu ka ator ke pama agi leboh kitai ngintu Gawai Dayak kena Satu hari Bulan Enam tu ila," pia ko Tuai Rumah Entekong nganu sida sabuat.

Sapit Tuai Rumah lalu bejako ngasoh sida sama mansut ka runding diri ngiga jalai ke menuku agi dikena ngintu Gawai nya.

Ninga orang ngasoh bejako, dia Enchangol lalu angkat bejako bediri. "Aku nadai nemu jalai bukai lebih ari ator kitai ke udah. Nya tak udah ngena endar sepi aku. Utai dempa bisi ga, utai di-irup naka nyawa deka. Aku jarang ngemalat nya mabok baka leboh kitai ke ngintu gawai tu suba. Main bakanya ga, nadai enda ga dibantai ka kitai. Nya alai aku nadai nemu jalai nambah ka ator nya agi," pia ko iya.

"Jako ke nanya tu ukai nanya siko aja, endang sama dipinta mansut ka penemu diri, ti dipelaba ka tau kena

nambah ka jalai ke udah kena kitai ngintu Gawai tu," pia ko Tuai Rumah.

"Bejako dia meh kita, enti bisi penemu lebih ari enggi orang ke ari radio," ko Enchangol bejako baru.

Nya alai enggai ka jako kelalu maioh bebelit ngapa, dia Lemambang Tuloi lalu bediri bejako. Nyadi ko iya: "Aku baka ke tak mampat penemu kita maioh dalam jako tu. Kabuah pia, laban penemu enggau runding kitai sabuat sama udah didinga leboh kitai ke baum berunding ka ator dikenai kitai ngintu Gawai tu suba, nya alai apin aroh kitai ngenyampat nya tulih ka runding lebih ari ke udah. Nya alai kala Pengulu bisi enggau kitai begelumu mending ka aum tu, ngena kitai ngasoh iya nyidi jako orang ari radio ke madah ka ator kena ngintu Gawai Dayak tu, ngambi ka kitai enda kelalu maioh achok jako, enggai ka jako lubah teputar," pia ko Lemambang Tuloi.

"Ngena nya," ko sida ke Komiti Gawai, "awak ka aya Pengulu ngerintai jako nya ka kitai ngambi ka kitai enda kalat-kalat agi dalam pasal ator ke endang udah ditetap ka orang ari radio," pia ko Komiti Gawai.

Sida bukai pan sama munyi nya magang. Tuai Rumah pan lalu nampong jako nya, ngasoh Pengulu bejako.

Ninga sida sama bela ngasoh, nya alai Pengulu lalu bejako. Tang laban iya endang orang landik bejako, nya alai apin iya nusoi ator Gawai nya, dulu iya ngenang julok ati ke minta Gawai nya menya.

Nyadi ko iya: "Menya, apin Gawai tu dikemendar ka perintah, puas bendar orang ke minta nukik utai nya, nya baru olih. Nyadi bansa ke bempu Gawai nya, samoa kitai ke dikumbai bansa Dayak dalam Sarawak tu, iya nya Dayak Iban, Dayak Bidayuh, Dayak Kayan, Dayak Kenyah, Dayak Murut, Dayak Kelabit, Dayak Sebop, Dayak Murik, Dayak

## BATU BESUNDANG

Punan, Dayak Remun, Dayak Selakau, Dayak Lara, Dayak Long Kiput, Dayak Berawan, Dayak Badang, Dayak Melanau, Dayak Bansa Rejang, Dayak Bisaya enggau bansa asal bukai ke ukai islam, nya sama bempu Gawai tu."

"Taja samoia bansa nya tadi dikumbai bansa Dayak, tang jako enda sabaka laban nitih ka ai enggau siti-siti raban. Samoa bansa ti udah kena sebut nya tadi endang tulin bansa asal dalam menoia tu, lalu endang bisi jako asal diri. Kena manding, baka China ke dikumbai bansa China. Sida maioh raban. Bisi raban Kheh, Hokien, Foochow, Cantonese enggau sida bukai. Nyadi sida nya endang sama kadiri-kadiri jako, tang samoia sida digempong sakali lalu dikumbai bansa China. Nya alai bakanya bendar bansa Dayak ke maioh raban, tang samoia raban nya digempong sakali lalu dikumbai bansa Dayak."

"Bansa kitai Dayak mega sama baka bansa bukai dalam dunya tu, endang bisi adat-asal, bisi pengawa asal, penemu asal, jako asal, pendiau asal sereta enggau main asal. Tang bansa kitai laun ditemu bansa bukai di dunya tu. Sabengkah kabuah kitai laun dikelala dunya, laban pelajar sekula laun datai ba kitai."

"Semina utai ke lama udah ngasoh nama kitai Dayak ditemu mensia dalam menoia bukai, iya nya pasal pemerani enggau penajam ati kitai maia menoia saboh, lalu ari nya kitai dikumbai sekeda bansa bukai, ngasu pala," ko Pengulu.

"Dini kitai kala ngasu pala, ngasu jelu baru kitai bisi," ko Enchangol.

Pengulu ngetu bejako enda lama, limpang ningkoh ka machis nungkun insap. Meda iya ngetu, dia Enchangol bejako begadai enggau Wai bini Tuai Rumah. Nyadi ko iya: "Amat pama endar Pengulu bejako, munyi ke ditusok. Nyau ka munyi pengelanchar jako radio," ko iya. Agi deka bejako

iya, endor Lemambang Tului ngerara, enda ngasoh inggar, laban Pengulu deka nampong jako nya tadi. Pengulu pen lalu bejako baru.

"Bansa Dayak endang semampai ngiga jalai ke manah kena ngemansang ka jalai pendiau, jalai pengidup, jalai penge-lantang sereta enggau jalai ke tau dikenya ngayan ka bansa diri, ngambi ka bansa bukai enda kelalu saru samina ngumbai Dayak ngasu pala, tang Dayak mega pengasu runding, pengasu penemu, pengasu pengelantang, pengasu pemaik, sereta enggau samoia utai bukai ke tau pulai ka penguntong bansa diri, lalu enda ngenusah bansa bukai."

"Taja sida lama bendar udah ngasu samoia utai nya tadi, tang lalu apin tulih ka samoia utai nya nitih ka pemantup ati, nya alai ari nya semampai ngasu penemu nyentok ka kamaiatu. Tang sabengkah ari utai ke menyana agi ti udah ulih bansa Dayak, iya nya Gawai Dayak kena Satu hari Bulan Enam. Runding enggau jako ke minta Gawai nya suba, lama bendar begantong, laban perintah ke dulu suba lembau bendar meri kitai hari nya. Laban enti iya diberi ka kitai, iya ukai samina dikediau ka bansa kitai aja, tang dikediau ka perintah enggau samoia bansa ke di menoia tu. Tang laban bansa Dayak endang keras ati, enggai enda sabaka enggau bansa bukai ke begulai menoia enggau diri ba senentang utai ke patut sabaka, nya alai penemu ke minta Hari Gawai nya enda dilengka ka nyentok ka bulih. Nyadi laban utai ke dipinta nya endang patut, nya alai dikemendar ka Perintah Sarawak ke Merdeka diatu, lalu diletak nitih ka pinta raban bansa Dayak kena Satu hari Bulan Enam genap taun berengkah ari taun 1965 suba. Nya alai bedudok ari nya, bansa kitai sama ayan enggau bansa bukai dipeda samoia mensia, bisi dua hari ari 365 hari dalam sataun, dibasa samoia bansa sereta dikediau ka Perintah dalam menoia tu," ko Pengulu.

Ungkir, Sapit Tuai Rumah, nyau rangap-rangap malik

**MAKLUMAT SELANJUTNYA BOLEH DIDAPATI DI:**

**KOLEKSI BORNEO**

Pusat Dokumentasi Melayu Tun Hamdan Sheikh Tahir  
Dewan Bahasa dan Pustaka Cawangan Sarawak,  
Jalan Tun Datuk Patinggi Haji Abdul Rahman Yaakob,  
Petra Jaya,  
93050 Kuching, Sarawak.

Telefon: 082 – 227 000

Faksimile: 082 – 227 088

E-mel: [eborneo@dbp.gov.my](mailto:eborneo@dbp.gov.my)

“Memelihara Warisan Memupuk Wawasan”

